

## REGLUGERÐ FRAMKVÆMDASTJÓRNARINNAR (EB) nr. 1022/2009

2016/EES/27/77

frá 29. október 2009

um breytingu á reglugerðum (EB) nr. 1738/2005, (EB) nr. 698/2006 og (EB) nr. 377/2008 að því er varðar alþjóðlegu starfsgreinaflokkunina (ISCO) (\*)

FRAMKVÆMDASTJÓRN EVRÓPUBANDALAGANNA  
HEFUR,

með hliðsjón af stofnsáttmála Evrópubandalagsins,

með hliðsjón af reglugerð ráðsins (EB) nr. 577/98 frá 9. mars 1998 um skipulag vinnumarkaðskönnunar í Bandalaginu <sup>(1)</sup>, einkum 3. mgr. 4. gr.,

með hliðsjón af reglugerð ráðsins (EB) nr. 530/1999 frá 9. mars 1999 varðandi hagskýrslur um uppbyggingu launa og launakostnaðar <sup>(2)</sup>, einkum 11. gr.,

og að teknu tilliti til eftirfarandi:

- 1) Reglugerð (EB) nr. 577/98 hefur verið hrundið í framkvæmd með reglugerð framkvæmdastjórnarinnar (EB) nr. 377/2008 frá 25. apríl 2008 um framkvæmd reglugerðar ráðsins (EB) nr. 577/98 um skipulag vinnumarkaðskönnunar í Bandalaginu að því er varðar kerfisskráningu fyrir gagnaflutninga frá og með árinu 2009, notkun hlutaúrtaks við öflun gagna um formgerðarbreytur og skilgreiningu á viðmiðunar fjórðungum <sup>(3)</sup>. Reglugerð (EB) nr. 530/1999 hefur verið hrundið í framkvæmd með reglugerð framkvæmdastjórnarinnar (EB) nr. 1738/2005 frá 21. október 2005 um breytingu á reglugerð (EB) nr. 1916/2000 að því er varðar skilgreiningu og afhendingu upplýsinga um launakerfi <sup>(4)</sup> og reglugerð framkvæmdastjórnarinnar (EB) nr. 698/2006 frá 5. maí 2006 um framkvæmd reglugerðar ráðsins (EB) nr. 530/1999 að því er varðar gæðamat á hagskýrslum um uppbyggingu launa og launakostnaðar <sup>(5)</sup>.
- 2) Í viðaukunum við þessar framkvæmdarreglugerðir er vísað til alþjóðlegu starfaflokkunarinnar „ISCO-88“, eða hinnar evrópsku útgáfu þessarar flokkunar, hér á eftir nefnd „ISCO-88 (COM)“.
- 3) Alþjóðavinnuumálastofnunin (ILO) hefur endurskoðað þá útfærslu alþjóðlegu starfaflokkunarinnar sem hingað til hefur verið notuð (ISCO-88) með það að markmiði að gera aðgengilega skilvirkari flokkun sem lönd geta

notað í næsta manntali, sem og í vinnumiðlunum í aðildarríkjum og í öðrum tilgangi sem miðast við þarfir viðskiptavina. Til að tryggja samanburðarhæfi gagna um störf frá aðildarríkjum ESB og þriðju aðilum, er nauðsynlegt að nota þessa endurskoðuðu flokkun (ISCO-08) í helstu könnunum evrópska hagskýrslukerfisins þar sem gögnum er safnað um störf fyrir næsta manntal sem verður gert 2011.

- 4) Til að koma á endurskoðaðri starfaflokkun er nauðsynlegt að breyta tilvísununum í ISCO-88 og í evrópsku útgáfuna af þessari flokkun, ISCO-88 (COM). Því ætti að breyta reglugerðum (EB) nr. 1738/2005, (EB) nr. 698/2006 og (EB) nr. 377/2008 til samræmis við það.
- 5) Ráðlegt þykir, eftir því sem unnt er, að fyrsta viðmiðunarárið vegna gagnasendinga ISCO-08 gagna sé það sama á öllum viðkomandi gagnaskýrslusviðum, í samræmi við næsta manntal, sem mun hafa 2011 sem viðmiðunarár. Því er ráðlagt að nota 2011 sem fyrsta viðmiðunarárið vegna gagnasendinga um störf samkvæmt ISCO-08, með undanþágu vegna launakerfiskönnunnar sem framkvæmd er fjórða hvert ár og myndi beita hinni endurskoðuðu flokkun árið 2010.
- 6) Ráðstafanirnar, sem kveðið er á um í þessari reglugerð, eru í samræmi við álit nefndarinnar um evrópska hagskýrslukerfið.

SAMÞYKKT REGLUGERÐ ÞESSA:

1. gr.

Í reglugerð (EB) nr. 1738/2005 komi hugtakið „ISCO-08“ í stað hugtaksins „ISCO-88 (COM)“ í öllum textanum í I., II. og III. viðauka.

2. gr.

Í reglugerð (EB) nr. 698/2006 komi hugtakið „ISCO-08“ í stað „ISCO-88“ í öllum textanum í viðaukanum.

3. gr.

Í reglugerð (EB) nr. 377/2008 komi hugtakið „ISCO-08“ í stað „ISCO-88 (COM)“ í öllum textanum í viðaukanum.

(\*) Þessi ESB-gerð birtist í Stjtið. ESB L 283, 30.10.2009, bls. 3. Hennar var getið í ákvörðun sameiginlegu EES-nefndarinnar nr. 36/2010 frá 12. mars 2010 um breytingu á XXI. viðauka (Hagskýrslugerð) við EES-samninginn, sjá *EES-viðbætur við Stjórnartíðindi Evrópusambandsins* nr. 30, 10.6.2010, bls. 39.

<sup>(1)</sup> Stjtið. ESB L 77, 14.3.1998, bls. 3.

<sup>(2)</sup> Stjtið. ESB L 63, 12.3.1999, bls. 6.

<sup>(3)</sup> Stjtið. ESB L 114, 26.4.2008, bls. 57.

<sup>(4)</sup> Stjtið. ESB L 279, 22.10.2005, bls. 32.

<sup>(5)</sup> Stjtið. ESB L 121, 6.5.2006, bls. 30.

4. gr.

**Gildistaka**

Reglugerð þessi öðlast gildi á tuttugasta degi eftir að hún birtist í *Stjórnartíðindum Evrópusambandsins*.

Ákvæði 1. og 2. gr. koma til framkvæmda frá og með 1. janúar 2010. Ákvæði 3. gr. koma til framkvæmda frá og með 1. janúar 2011.

Reglugerð þessi er bindandi í heild sinni og gildir í öllum aðildarríkjunum án frekari lögfestingar.

Gjört í Brussel 29. október 2009.

*Fyrir hönd framkvæmdastjórnarinnar,*

Joaquín ALMUNIA

*framkvæmdastjóri.*

---